

# LANDSSAMBAND HESTAMANNAFÉLAGA

BÆNDAHÖLL • 107 REYKJAVÍK • SÍMAR 5529899, 5630325, 5630300 • KT. 710169-3579



Stofnað 1949

12. fundur stjórnar L.H. haldinn í Bændahöll 2. okt. 1997 og hófst hann kl. 14:30.

Formaður setti fund og bauð fólk velkomið.

Þessir voru mættir:

Birgir Sigurjónsson, Guðbrandur Kjartansson, Halldór Gunnarsson, Jón Bergsson, Sigurgeir Bárðarson, Sigríður Sigþórsdóttir, Sigbjörn Björnsson og Ingibjörg Magnúsdóttir. Birgir Rafn Gunnarsson kom síðar á fund. Sigfús Helgason og Haraldur Þórarinsson boðuðu forföll.

1.

Formaður lagði fram og kynnti álit Tryggva Gunnarssonar lögfræðings varðandi sameiningu L.H. og HÍS. Á fundi stjórnar L.H. þann 6. sept. s.l. var ákveðið að óska eftir því að fá Tryggva Gunnarsson lögfræðing til að yfirfara fyrirliggjandi sameiningarferli út frá lögfræðilegu sjónarmiði kvað varðar núverandi lög L.H.

Álit Tryggva er dagsett 17. sept. s.l. og er ítarlegt og vandað. Hann leggur fram nokkrar ábendingar sem fulltrúar beggja samtaka hestamanna L.H. og HÍS í sameiningarnefndinni þurfa að taka til athugunar og lagfæringa.

Í lok ályktunar Tryggva segir svo m.a. "Ég hef hér að framan sett fram svör við þeirri fyrirspurn sem beint var til míni, en ég tek fram að ég hef aðeins haft skamman tíma til að kanna málið og ég hef því sniðið umsögn mína við meginatriði þess, en ekki farið yfir orðalag á einstökum ákvæðum í hinum fyrirliggjandi tillögum til breytinga á lögum L.H. Ég tek fram að ég er reiðubúinn til að skýra nánar framangreindar niðurstöður á fundi með fulltrúum L.H., ef eftir því verður leitað".

Töluberð umræða varð um álit Tryggva og þá sameiningu sem framundan er og rædd verður á 48. ársþingi L.H. á Egilsstöðum 24. og 25. okt. n.k.

Sameiningarnefnd L.H. og HÍS hefur þegar fengið álit Tryggva til athugunar og frekari skoðunar. Nefndin mun væntanlega gera þær breytingar á fyrirliggjandi lagadrögum sem til þarf svo þau megi leggja fyrir ársþingið "hnökralaus".

2.

Formaður kynnti bréf sem nýverið var sent Fjárlaganefnd Alþingis þar sem L.H. sækir um styrk úr ríkissjóði að upphæð kr. 4.000.000.- Styrknum yrði einkum varið til að efla unglungastarf L.H. eins og undanfarin ár. Bréfið er dagsett 30. sept. s.l. og undirritað af formanni L.H.

3.

Formaður greindi frá því að hann og Sigurgeir gjaldkeri L.H. færði í heimsókn til fyrrverandi formanns L.H. Alberts Jóhannssonar 8. okt. n.k. Tilefnið er að færa honum ofurlitla gjöf sem þakklætisvott af hálfu L.H. fyrir mikil og óeigingjarnt starf í þágu samtakanna, en Albert varð sjötugur á s.l. ári. Þeir félagar fara með góðar óskir til Alberts og fjölskyldu hans í tilefni þessa frá stjórnarmönnum í L.H.

#### 4.

Milliuppgjör L.H.

Gjaldkeri lagði fram og kynnti gögn um rekstur L.H. fyrstu 8 mánuði yfirstandandi árs. Þar kemur fram að tekjur L.H. eru kr. 5.412.175 en gjöld 4.981.161. Tekjuafgangur er því kr. 431.014.-

#### 5.

Tillöguflutningur stjórnar L.H. á 48. ársþingi 24. og 25. okt. n.k.

- A) Sigurgeir lagði fram drög að viðmiðunarreglum varðandi úthlutun úr reiðvegasjóði. Reglurnar voru samþykktar með smávægilegum breytingum, en litið er á þær sem vinnureglur fyrir úthlutunarnefnd reiðvegafjár. Sigurgeir falið að móta tillögu um síðasta lið reglnanna er varðar umsóknir um styrki úr sjóðnum. Tillagan verði lögð fyrir ársþingið til samþykktar eða synjunar. Síðasti liður reglnanna er eftirfarandi:  
“Það styrkir umsókn ef fyrir liggur vilyrði bæjarstjórna/sveitarstjórna eða héraðsnefnda um framlög á móti”.
- B) Nýjar stoðir að fjármögnun landsmóta.  
Formaður kynnti þetta mál og greindi frá því að unnið er markvisst að undirbúningi málsins hjá L.H. og þeim aðilum sem tengjast þessari sjóðmyndun. Tillaga um þetta efni verður ekki lögð fram á þessu þingi.
- C) Rædd var tillaga um menntun dómara sem stjórnin flytur á þinginu.
- D) Rædd tillaga um skráningargjöld flutt af mótanefnd.
- E) Rædd tillaga um fækkun dómara flutt af mótanefnd.
- F) Rædd tillaga um fjórðungsmót flutt af mótanefnd.
- G) Rædd tillaga er varðar kynbótasýningar flutt af mótanefnd.
- H) Ákveðið var að fá Gunnar Stein Pálsson til að flytja erindi sem kalla mætti “Ímynd hestamannsins í þjóðféluginu”.  
Formanni falið að ræða við Gunnar um að taka að sér þetta verkefni og semja við hann um greiðslu.
- I) Þingforsetar.  
Formanni falið að ræða við þau Sveinbjörn Eyjólfsson Hvanneyri og Jónínu Guðmundsdóttur Egilsstöðum um að taka að sér störf þingforseta.

#### 6.

Áningarálf - áningarálfafsjóður.

Umsóknir hafa borist frá þremur hestamannafélögum um styrk úr sjóðnum, þ.e. frá Smára, Geysi og Mána.

Samþykkt var að vísa bréfi Mána til ferða og umhverfisnefndar.

Hestamannafélagið Smári fær styrk að upphæð kr. 40.000.-

Hestamannafélagið Geysir fær styrk að upphæð kr. 75.000.-

7.

Guðbrandur Kjartansson varaformaður L.H. og Jón Bergsson stjórnarmaður óskuðu bókurnar á eftirfarandi:

“Undanfarin ár hafa sameingarmál L.H. og HÍS verið uppi á borðum samtakanna. Þrátt fyrir að lengst af hafi meirihluti stjórnar L.H. verið andvígur sameiningu og inngöngu í ÍSÍ, hafa mál þróast á þann veg að áfram hefur verið unnið í átt til sameiningar. Nú blasir við að á næsta þingi L.H. verði endanleg atkvæðagreiðsla um hvort sameinað skuli eður ei og að L.H. gangi þá inn í ÍSÍ. Við viljum að það komi skýrt fram í fundargerð L.H. að við höfum verið og erum enn á móti því að L.H. sameinist HÍS og gangi alfarið inn í íþróttasamtökin”.

Fleira ekki bókað.

Fundi slitið kl. 18:50

Halldór Gunnarsson ritaði fundargerð.

# LANDSSAMBAND HESTAMANNAFÉLAGA

BÆNDAHÖLL • 107 REYKJAVÍK • SÍMAR 5529899, 5630325, 5630300 • KT. 710169-3579



Stofnað 1949

11. fundur stjórnar L.H. (símafundur) haldinn 16. sept. 1997.

Formaður setti fund og bauð stjórnarmenn velkomna.

Þessir tóku þátt í fundinum:

Birgir Sigurjónsson, Guðbrandur Kjartansson, Sigbjörn Björnsson, Halldór Gunnarsson, Jón Bergsson, Sigurgeir Bárðarson, Birgir R Gunnarsson (fyrsti varamaður í stað Sigríðar) og Sigurður Þórhallsson.

## **Petta gerðist á fundinum:**

### **Undirbúningur 48. ársþings L.H.**

Farið var yfir drög að dagskrá þinghaldsins sem Sigurður framkvæmdastjóri hafði sett upp og sent stjórnarmönum í pósti.

Ákveðið var að þingsetning hæfist ekki fyrr en morgunflug úr Reykjavík væri afstaðið þ.e. eftir kl. 10:00 þann 24. okt. n.k.

Ákveðið var að leita til Sveinbjörns Eyjólfssonar og Sigfúsar Þorsteinssonar um að taka að sér að sinna störfum forseta þingsins. Sigurði falið að ræða við þá um þetta verkefni.

Eins og kunnugt er verður lögð fram tillaga á þinginu að viðamikilli breytingu á lögum L.H. sem felur m.a. í sér að Landssamband hestamannafélaga verði sérsamband innan ÍSÍ og þá jafnframt að HÍS sameinist L.H.

Töluberð umræða varð um þessa tillögu og meðferð hennar á þinginu. Þá var einnig rætt um stjórnarkjör í þessu sambandi.

Á undanförnum ársþingum hefur skapast sú hefð að hafa ákveðið þemaverkefni á fyrr degi þinghaldsins.

Stjórnin ákvað að fella þennan lið niður á þessu þingi vegna tímaskorts þar sem ákveðið hefur verið að þinghaldi ljúki um hádegi síðari daginn. Í stað þess verði fenginn fyrirlesari til að flytja erindi sem fjalli um "Ímynd hestamannssins í þjóðfélaginu". Formanni og framkvæmdastjóra falið að finna þennan fyrirlesara sem allra fyrst.

Rætt var um ávörp gesta en þeir verða:

Formaður Freyfaxa, Bæjarstjórin á Egilsstöðum, fulltrúi Landbúnaðarráðherra, fulltrúi frá Bændasamtökum Íslands o.fl.

Stjórnin ákvað að heiðra eftirtalda félaga úr röðum L.H.:

Guðmund Þorleifsson, Leif Jóhannesson og Kára Arnórsson.

Samþykkt var á fundinum að Birgir R Gunnarsson Fáki verði formaður kjörbréfanefndar þingsins.

Þá var framkvæmdastjóra falið að finna úr hópi þingfulltrúa fjóra þingritara þar af einn yfirritara.

Rætt var um tillögugerð stjórnar L.H. til ársþingsins og stjórnarmenn beðnir að undirbúa tillögur ef einhverjar væru og koma með þær á næsta fund.

Gjaldkera falið í samráði við formann og framkvæmdastjóra að setja upp tillögu að fjárhagsáætlun fyrir 1998. Einnig var gjaldkera falið að ræða við kollega sínn hjá HÍS um að setja upp fjárhagsáætlun fyrir breytt samtök hestamannafélaga ef af sameiningu L.H. og HÍS yrði á þinginu.

Fleira ekki fært til bókar.

Halldór Gunnarsson.